



ՄԱՆԿԱՎԱՐԺԱԿԱՆ ՀԱՄԱԼՍԱՐԱՆ

21 ՀՈԿՏԵՄԲԵՐԻ 2020 թ.
№ 11 (1061)

Թերթի առաջին համարը լույս է տեսել 1965 թ. մարտի 11-ին
երկշաբաթաբեր • հրատարակման 55-րդ տարի

ԽԱՉԱՏՈՒ ԱՐԴՅԱՆ ԱՆՎԱՆ ԸՆԹԱԿԱՆ ԴԵՏԱԿԱՆ ՄԱՆԿԱՎԱՐՁԱԿԱՆ ՀԱՄԱԼՍԱՐԱՆԻ ԴԱՇՏԱՆԱԹԵՐԸ



ՄԵՆՔ ՀԱՂԹԵԼՈՒ ԵՆՔ



ՄԱՐԴԱՍԻՐԱԿԱՆ ՁԵՌՆԱՐԿՆԵՐԸ ՇԱՐՈՒՆԱԿԱԿԱՆ ԵՆ

Խաչատուր Աբովյանի անվան հայկական պետական մանկավարժական համալսարանի ղեկավարությունը, աշխատակիցները, պրոֆեսորադասախոսական կազմը և ուսանողական խորհուրդը տարբեր ուղղություններով շարունակում են աջակցություն ցուցաբերել Արցախի պաշտպանության բանակին և արցախահայությանը: Այս համատեքստում դասախոսները և ուսանողները շարունակաբար օգնում են Արցախից Հայաստան եկած մարդկանց՝ բնակվելու վայրի, ինչպես նաև փոքրիկների ուսուցումը կազմակերպելու և հոգեբանական մասնագիտական աջակցություն ցուցաբերելու գործում:

ՀԴՄՀ ռեկտոր Ռուբեն Միրզախանյանը կարևորում է այս օրերին համալսարանի կողմից կազմակերպվող մարդասիրական տարբեր ձեռնարկները, որոնք կրում են շարունակական բնույթ:

Արցախցի դպրոցահասակ երեխաներին բուհը պատրաստակամորեն ներգրավում է ՀԴՄՀ հիմնական և ավագ դպրոցներում:

Մյուս կարևոր հարցը Արցախի պետական համալսարանի ուսանողներին բուհի ուսումնական գործընթացում ներգրավելու ծրագրի իրականացումն է, որին արդեն ձեռնամուխ են եղել համալսարանական ֆակուլտետների ղեկավարներն ու պրոֆեսորադասախոսական կազմը: Ծրագիրը հնարավորություն կտա արցախցի ուսանողներին՝ իրացնել կրթություն ստանալու իրենց իրավունքը, պատերազմի պատճառով հետ չմնալ ուսումնական դասընթացներից:

Արցախի պետական համալսարանի և մյուս համալսարանների բակալավրի և մագիստրատուրայի կրթական ծրագրերով առկա և հեռակա համակարգերի սովորող ուսանողները կարող են միանալ Մանկավարժական համալսարանի ուսումնական գործընթացին ըստ համապատասխան ֆակուլտետների և մասնագիտությունների: Նրանք կարող են դիմել Մանկավարժական համալսարանի ֆակուլտետների ղեկամատներին՝ միանալով բուհի հեռավար դասընթացներին:

Առկա և հեռակա համակարգերում արդեն բուհի կրթական ծրագրերով սովորում են մի շարք արցախցի ուսանողներ:

Համալսարանի ղեկավարությունն իր պարտքն է համարում հնարավորինս կազմակերպել արցախցի ուսանողների կրթությունը:

...Սիրեք, հարգեք բանակը: Էս տարածաշրջանը բարդ տարածաշրջան է: Աստված գիտի ինչ է լինելու: Ոնց որ թե ավելի կանխատեսելի է, քան 6 տարի առաջ: Քան նույնիսկ 50 տարի առաջ: Մեծ կովկասյան պատերազմ կլինի-չի լինի՝ դժվար է կանխատեսել: Ըստը գալիս է: Դաշտպանության նախարարը դառնա վարչապետ, լրագրողները դառնան պաշտպանության նախարար կամ արդյունաբերության, երկրի առանցքը բանակն է: Բանակ չունեցանք, մեզ ոչ ոք չի հարգելու: Վերջին 10 տարում մեր ստեղծած ամենալուրջ բանը բանակն է: Միակը չէ, բայց ողնաշարն է: Ինչ որ թերություններ կունենանք, անցողիկ բաներ են, կարևորը զսպանակը, կայացած է: Ու էդ զսպանակի զսպանակը բանակի հրամանատարներն են: Դետությունը նրանց վրա է կանգնում: Սիրեք-չսիրեք, ինչ գրեք-չգրեք, նրանք էս երկրի պետական մարդիկ են: Դառը բան եմ ասելու, կներեք, թե չեք ների, Աստված չեզ հետ: 60 անգամ թուրքը մեզ ավելի լավ գիտի, քան դուք: Մեր բանակի գեներալների արյան մեջ շաքարի տոկոսն էլ նրանք գիտեն, դուք իրարից չեք զանազանում, որովհետև մեր հաղթանակները չեզ համար կարծես թե սովորական բաներ էին: Մտածեք էս երկրի մասին: Մտածեք էս բանակի մասին, սա է էս երկրի փրկությունը: Սա է էսօր, ցավալիորեն ամենակայացած արժեքը: Ցավալիորեն: Մտածեք էս երկրի մասին: Վաղը 21-րդ դարն է սկսվում ու էդ դարը մեր դարը պիտի լինի՝ մեր հաղթանակի, մեր խելքի գալու, մեր միասնության, մեր հաջողության՝ վերջապես:

Վազգեն ՍԱՐԳՍՅԱՆ

Ի գիտություն
«Մանկավարժական համալսարան»
թերթի բոլոր համարները կարդացեք
բուհի aspu.am կայքում:

ԹՈՒՐԷՐԸ ՓՈՐՁՈՒՄ ԵՆ 1915-1923 ԹՎԱԿԱՆՆԵՐԻ ՀԱՅԵՐԻ ՑԵՂԱՍՊԱՆՈՒԹՅՈՒՆԸ ՀԱՍՅՆԵԼ ԱՎԱՐՏԻՆ

«Էդ ո՞ւմ վրա եք թուր հանել, Հայոց մեծ ազգին չե՞ք ճանաչում»:

Խաչատուր Աբովյան

Ես չգիտեմ՝ ինչու ենք մոռանում համիդյան ջարդերը, 1915-1923-ը ձգված ցեղասպանությունը, ոչ հեռավոր անցյալում Սունգայիթում, Բաքվում, Ադրբեջան կոչված պետության ողջ տարածքում խող-խողված մեր հայրենակիցներին, Արցախյան երկարամյա, Ապրիլյան, Տավուշյան պատերազմներն ու փորձում ենք հավատալ թուրքին: Մեծ հայրենասեր Գարեգին Նժդեհը մեզ զգուշացնում էր. ներել թուրքի մի սխալը, նշանակում է թույլ տալ, որ նա հայի նկատմամբ գործի տասը նոր սխալ: Վերջերս նորից կարդացի Ավ. Իսահակյանի հուշերը Ղևոնդ Ալիշանի մասին:

Մայրենի Ղարաբաղը Կոստյուխի ման պետք է անկախություն ձեռք բերի: Նա հիշեցրել էր հատկապես 1920 թ. հայկական Շուշի քաղաքի ողջ բնակչության ոչնչացումը թուրքերի ձեռքով:

1991-ի մայիսին Հայաստան էր եկել «Նյու-Յորքեր» ամերիկյան հեղինակավոր ամսագրի թղթակից Ռոբերտ Քալմը, որը Մոսկվայում հանդիպել էր Գորբաչովին, Բաքվում զրուցել Մուրախովիի հետ, հանդիպել Հայաստանի պետական այրերին, գիտնականներին, նաև՝ Սիլվա Կապուտիկյանին: Արդյունքում՝ տպագրել էր 20 էջանոց հայամետ հոդված՝ «Լեռնային

Հայաստանից էլ առաջ, մտել են Ռուսական կայսրության մեջ: Եթե Լեռնինը, հետո Ստալինը Քեմալ Աթաթուրքի պանթոնը քիստական պլանները բուլղարիայի ձեռքով մերկայացնելու պատճառով Լեռնային, Դաշտային Արցախը, Նախիջևանի մարզը, Կարսի հսկայածավալ մարզը հանձնեցին Ադրբեջանին ու Թուրքիային, ապա հիմա չկա Խորհրդային Միությունը. ինչո՞ւ Արցախի անկախությունը չի ճանաչվում:

«Սասունցի Դավիթ» էպոսում կա մի դրվագ. Դավիթը վերաշինում է հոր Մարութ վանքը, սակայն պատերն ամեն օր քանդվում են: Վանքը կանգուն է մնում միայն, երբ նրա հիմքում դրվում է Դավթի սուրը: Այս է ավանդել մեզ մեր ժողովուրդը. երբեք վայր չդնել ինքնապաշտպանական սուրը: Հիշե՛ք նաև Ավետարանի Հիսուսի պատգամը. «Սրով եկողը, սրով կընկնի»:

Մենք պետք է հաղթենք, մենք պարտավոր ենք հաղթել: Արաբական X դարի աղբյուրը վկայում է, որ Գևորգ Մարզպետունին 20 քաջերով հաղթել է Բեշիրի հզոր բանակին:

Ես աղոթում եմ ռազմաճակատում կռվող մեր քաջարի տղամարդկանց, կանանց, Արցախի զեղեցիկ, խաղաղասեր ու աշխատասեր բնակիչների համար:

Աշխարհի տարեգրություններում հազվադեպ երևույթ է, որ մի մարզից ծնվեն այդքան մեծատաղանդ գործարար-ամնատարներ, մարշալներ, զեներալներ, Խորհրդային Միության հերոսներ, վերջապես՝ աղմուկ: Այս ճշմարտությունը մեզ հաղթանակելու ուժ է տալու:

Հ.Գ. Ներկայացնում եմ Ռեմո Սքենլիի «Աշխարհի պատմական ատլասը» հրատարակված ԱՄՆ-ում 1997-ին: Բ.ժ.ա. 120 թվականի քարտեզն է, որտեղ ներկա ամբողջ Ադրբեջանը Հայաստանի տարածքում է, և Թուրքիա ընդհանրապես գոյություն չունի:

Անխտա ԴՈԼՈՒՄՆՅԱՆ «Գրական թերթ», 09.10.2020թ.



Հերապոսությունն արժանացել է Սոկրատեսի անվան մեդալի

Խ. Աբովյանի անվան ՀՊԱՀ Կիրառական հոգեբանության ամբիոնի վարիչ Սամվել Խուրդյանի, պրոֆեսոր Սամվել Սուքիասյանի և Նաիրա Հարությունյանի կողմից ԿԳՄՍ նախարարության Գիտության պետական կոմիտեի դրամաշնորհով հրատարակված ռուսերեն «Անճի հոգեբանական պրոբլեմները» (Психологические проблемы личности) համահեղինակությամբ մեմորիալությունն արժանացել է Ռուսաստանի բնագիտության ակադեմիայի Սոկրատեսի անվան հոբելյանական մեդալի:

Մեմորիալության մեջ առաջին անգամ բազմակողմանի հետազոտության են ենթարկվել անճի հոգեբանական պրոբլեմները: Նույն հեղինակները, հետազոտողների միջազգային թիմով (Հայաստան, Ռուսաստան, Ուկրաինա, Իսրայել), կազմել են աշխարհում առաջին անճի հոգեբանական պրոբլեմների դասակարգման համակարգը («Руководство по диагностике психологических проблем личности»), որի հիման վրա նախատեսվում է մշակել հոգեբանական պրոբլեմները:



րի ախտորոշման ուղեցույց: Ուղեցույցը հնարավորություն կտա հոգեթերապիայում և ընդհանրապես գործնական հոգեբանության ոլորտում հոգեբանական պրոբլեմների ախտորոշման հարցում միասնական մոտեցում ձևավորել:

Հիշեցնենք նաև, որ հետազոտական թիմը 2019 թվականին նշված հիմնախնդրին նվիրված միջազգային կոնֆերանս էր կազմակերպել, ինչը սկիզբ դրեց գործնական հոգեբանության ոլորտում հոգեբանական պրոբլեմների բազմակողմանի հետազոտությանը և դասակարգման համակարգերի ստեղծմանը (այսօր արդեն ստեղծվել է անճի տարիքային հոգեբանական պրոբլեմների դասակարգման մոդել, որի հիման կկառուցվի համապատասխան դասակարգման-ախտորոշման համակարգ, առանձնացվել են նաև հոգեթերապիայի ոլորտի պրոբլեմները, հետազոտվում են ռազմական և իրավաբանական ոլորտի հոգեբանական պրոբլեմները):



Վերջինս հրաժեշտից առաջ հիշեցնում է, որ հայերն իրենց հույսը դնեն իրենց վրա և չխաբվեն թուրքին: Նույն միտքը կա Ֆրիտյոֆ Նանսենի «Հայաստանը և Մերձավոր Արևելքը» գրքում, որտեղ մեծ մարդասերը պատգամում է, որ հայն իր փրկության ուժը տեսնի միայն իր մեջ:

Այս տարվա սեպտեմբերի 7-ին Լոնդոնում մտոլոգ Ադրբեջանի դեսպանը դիմել էր Քերոլայն Քոքսին, որպեսզի հայերին համոզի՝ իրենց վերադարձնել Լեռնային Ղարաբաղը: Քոքսը պատասխանել էր, որ Լեռնային Ղարաբաղը Հայաստան է, ինչպես որ Հայաստան է Նախիջևանը, ու Լեռ-

Ղարաբաղ, Արմատներ», որտեղ գրում է, թե կոնֆլիկտի միակ ճիշտ բացատրությունն իրեն տվել է Սիլվա Կապուտիկյանը՝ հարցը տանելով դեպի արմատները: Ինչո՞ւ ենք մենք մոռանում, որ Արցախն իր անկախությունը հայտարարել է միմյան Խորհրդային Միության փլուզվելը և ոչ մի վայրկյան չի եղել նոր Ադրբեջանի կազմում: Ինչո՞ւ ենք մոռանում, որ բոլոր օտարազգի հայազետները՝ անցյալի ու ներկայի, միաձայն արձանագրում են, որ Ղարաբաղի մեկիքները երբեք չեն ենթարկվել որևէ մահմեդական պետության և ինքնակամ XIX դարի սկզբին, Արևելյան

ԱՄՓՈՓԻՉ ՀԱՄԱԺՈՂՈՎ

Հոկտեմբերի 12-ին տեղի ունեցավ Երազմուս+ BOOST (Հայաստանյան բուհերի ռազմավարության և մարկեթինգի խթանում) եռամյա ծրագրի ամփոփիչ համաժողովը: Եվրոպական միության կողմից ֆինանսավորվող ծրագիրը մեկնարկել էր 2016 թվականին՝ Խ. Աբովյանի անվան հայկական պետական մանկավարժական համալսարանի համակարգմամբ: Ծրագրի հայաստանյան գործընկերներն են Հայաստանի Ամերիկյան համալսարանը, Շիրակի պետական համալսարանը, Երևանի Կոմիտասի անվան պետական կոնսերվատորիան, Վանաձորի Հ. Թումանյանի անվան պետական համալսարանը, իսկ պետության մասնակցությունն ապահովել են ԿԳՄՍ նախարարությունը, Ակադեմիական փոխձեռնաշնչման և շարժունության ազգային տեղեկատվական կենտրոնը: Ծրագրի եվրոպական գործընկերներն են Իսպանիայի Կատալոնիայի պոլիտեխնիկական և Վերգիլիոսի և Ռովիրայի համալսարանները, Եստոնիայի Տալինի տեխնիկական համալսարանից, Ստոկհոլմի թագավորական տեխնիկական համալսարանը և Լիսաբոնի տեխնիկական համալսարանը: Ծրագրի նպատակն էր խրախուսել ՀՀ բարձրագույն կրթության հետագա միջազգայնացումը՝ մշակելով ազգային և ինստիտուցիոնալ քաղաքականության շրջանակ և գործիքակազմ:

կրթական գործընթացներում՝ նախարարի տեղակալը նշել է, որ նախարարությունը և կրթական հաստատություններն առավելագույն ջանք են գործադրում կրթության իրավունքի իրացման, կրթության շարունակականության ապահովման համար՝ բարեփոխումների օրակարգում առանձնահատուկ կարևորելով բարձրագույն կրթության միջազգայնացմանն ուղղված ծրագիրը: Ա. Մարտիրոսյանը նշել է, որ Երազմուս+ BOOST ծրագրի ձեռքբերումներն զգալի են բարձրագույն կրթության որակի բարելավման և հայաստանյան բուհերի միջազգայնացման առումով, և որ ԿԳՄՍ նախարարությունը հանձնառու է ապահովել ծրագրի շարունակականությունը: Ըստ նախարարի տեղակալի՝ ակնհայտ է, որ կրթության միջազգայնացումն աշխարհում տիրող պանդեմիայի հետևանքով խթանված է: Փոխելով միջազգայնացման ձևը՝ առաջնահերթությունը տրվելու է «Միջազգայնացումն օրինակ» քաղաքիչին՝ նախկինում լայն կիրառություն ունեցող շարժունության փոխարեն:

Երազմուս+ գրասենյակի համակարգող Լանա Կառլովան, ՀՀ ԿԳՄՍ բարձրագույն եվ հետբուհական մասնագիտական կրթության վարչության պետ Ռոբերտ Սուքիասյանը և ՀՊԱՀ աշխատակազմի և միջազգային համագործակցության հարցերով պրոբլեմատոր Արա Երեմյանը նույնպես հանդես են եկել ողջույնի խոսքով և շեշտել միջազգայնացման կարևորությունը հատկապես ներկա մարտահրավերների պայմաններում: Այնուհետև ծրագրի համակարգող, ՀՊԱՀ միջազգային համա-

գործակցության բաժնի ղեկավար Մարիանա Հարությունյանը ներկայացրել է ծրագրի իրականացման ընթացքը և հիմնական ուղեցույցները, ինչպես նաև ցուցադրվել է ծրագրի իրականացման ընթացքը ներկայացնող հոլովակ:

Համաժողովը շարունակվել է ծրագրի ձեռքբերումների ներկայացմամբ. Մասնավորապես Ամերիկյան համալսարանի փոխնախագահի օգնական Անահիտ Օրոյանը և ՀՀ ԿԳՄՍ բարձրագույն եվ հետբուհական մասնագիտական կրթության վարչության գլխավոր մասնագետ Տաթևիկ Ղարիբյանը ներկայացրել են ծրագրի արդյունքում մշակված բարձրագույն կրթության միջազգայնացման հնգամյա ռազմավարությունը և դրա իրականացման գործողությունների ծրագիրը: Վանաձորի պետական համալսարանի աշխատակից Գոհար Դոխտյանը և ՀՊԱՀ միջազգային համագործակցության բաժնի աշխատակից Ռախա Ավետյանը ներկայացրել են ծրագրի մյուս աշխատանքային փաթեթների արդյունքները: Ծրագրի շրջանակներում ստեղծված հոլովակը և կայքը կնպաստեն Հայաստանի տեսանելիության բարձրացմանը՝ որպես կրթական ուղղություն, կիսաբան միջազգային ուսանողների հոսքին դեպի Հայաստան: Համաժողովն ամփոփվել է ծրագրի եՄ գործընկերների ելույթներով:

Հոկտեմբերի 13-ին տեղի ունեցած հանդիպման ընթացքում քննարկվել են ծրագրի վերջնական հաշվետվության իրականացման հետ կապված հարցեր, ինչպես նաև կատարվել է ծրագրի վերջնարդյունքների տարածման ուղիների մշակում:

ԳԵՊԻ ԱՆՄԱՀՈՒԹՅՈՒՆ

Մանկավարժական համալսարանի պրոֆեսորադասախոսական կազմը և ուսանողներն իրենց խորը վշտակցությունն են հայտնում բոլոր զոհվածների հարազատներին, զինակիցներին, կուրսընկերներին: Խոնարհվում ենք մերօրյա հերոսների հիշատակի ու նվիրումի առաջ:



ԱԼԵՆ ՄԱՐԳԱՐՅԱՆ

Հայրենիքի սահմանները պաշտպանելիս զոհվել է Մանկավարժական համալսարանի Կուլտուրայի ֆակուլտետի ռեժիսուրայի բաժնի շրջանավարտ Ալեն Մարգարյանը:

Ալեն Մարգարյանը բուհն ավարտել էր նախորդ ուսումնական տարում՝ գերազանց առաջադիմությամբ:

«Ուսումնառության ողջ ընթացքում նրա բեմադրությունները միայն հայրենիքի ու հայրենասիրության մասին էին. ես պարծենում եմ Ալենով», - ասաց կուրսի ղեկավար Հերբերտ Գասպարյանն ու մտաբերեց՝ Ալենը բոլոր առարկաներն էր գերազանց ստանում, շատ առաջադեմ ու ստեղծագործ երիտասարդ էր:

«Լավագույններին կորցնելու միակ պատասխանը հաղթանակն է, վերջնական հաղթանակը», - հավելեց Հերբերտ Գասպարյանն ու ափսոսանքով մշեց՝ հայ ազգը կորցրեց տաղանդաշատ ու հայրենասեր երիտասարդի:

Ալենը կարծես կանխազգում էր մոտալուտ մահը. Ֆեյսբուքյան վերջին գրառումն է. «Իմ համար վերջացավ, իսկ դուք ձեզ լավ նայեք...»:



ՆՈՐԻԿ ԳԱՄՊԱՐՅԱՆ

Հայրենիքի սահմանները պաշտպանելիս զոհվել է Գեղարվեստական կրթության ֆակուլտետի շրջանավարտ Նորիկ Գասպարյանը:

Նա բանակ է զորակոչվել այս տարվա ամռանը՝ ավարտելով Մանկավարժական համալսարանի արվեստի տեսություն, պատմություն և կառավարում բաժինը:



ԱՐԱ ԽԱՉԱՏՐՅԱՆ

Սոցցանցերում կարողացի հերթական գրառումը. «Մեծ ցավով տեղեկացնում ենք, որ հայրենիքն արիաբար պաշտպանելիս զոհվել է ՀՊՄՀ Գեղարվեստական կրթության ֆակուլտետի ուսանող Արա Խաչատրյանը:

Արա Խաչատրյանը 1-ին կուրսի ուսանող էր, երբ զորակոչվեց ժամկետային զինծառայության: Ծննդավայրը Ակունք գյուղն էր: Ապագա զեղակարչի երազանքներն անկատար մնացին: Նա դեռ նոր էր կյանքի կոչելու իր ցանկություններն ու մտահղացումները...

Հայրենիքի համար նահատակվեց Արցախի սահմանները պաշտպանելիս, իր երկրային կյանքում հայի արժանապատվությունը բարձր դասելով ամեն ինչից:




ՇԱՀԵՆ ԳԱԼՍՏՅԱՆ

Հայրենիքի սահմանները պաշտպանելիս զոհվել է Մանկավարժական համալսարանի Կուլտուրայի ֆակուլտետի պարարվեստի բաժնի 1-ին կուրսի ուսանող, ժամկետային զինծառայող Շահեն Գալստյանը, ով ծառայության էր զորակոչվել 2020 թվականի հունվարին:

Շահենն ուսումնառության ընթացքում ցուցաբերել է գերազանց առաջադիմություն, բարձր կարգապահություն և մեծ պատրաստակամություն է հանդես բերել մասնագիտական առարկաների հանդեպ:

Հանդիսանալով Հայաստանի վաստակավոր կուլտելտիվ «Բերդ» պարային անսամբլի մենակատար պարող, ունենալով պարողին հատուկ բնատուր հատկանիշներ և աշխատասիրություն՝ նա իրեն դրսևորել է որպես ժողովրդական պարերի բացառիկ կատարող: Իր կատարողական բարձր վարպետության և կարգապահության շնորհիվ Շահեն Գալստյանն արժանացել է ինչպես ամբիոնի դասախոսների, այնպես էլ անսամբլի ղեկավարների, պարարվեստի մասնագետների գնահատանքին:



ՀԱՅԿ ՆԱԼԲԱՆԴՅԱՆ

Հայրենիքի սահմանները պաշտպանելիս զոհվել է Մանկավարժական համալսարանի Գեղարվեստական կրթության ֆակուլտետի կերպարվեստի բաժնի հեռակա ուսուցման համակարգի 2019 թվականի շրջանավարտ Հայկ Գևորգի Նալբանդյանը:

ԳՈՅԱՄԱՐՏ

1. Բարչունքը մերն է, տղերքը՝ չկան, Տղերքն ավելի բարչունք մնացին, Դիպան աստղերին, աստղերը հանգան, Ու մռնուռ բավեց մեր ցամաք հացին: Շահեցիր երկիր, թե՛ կորցրեցիր- Բարչունքը մերն է, տղերքը... չկան:
2. Ձեր կյանքի հաշվին ո՞նց եմ ապրելու՝ Մորթապաշտ օրս գինով գրահած, Ու մթնած հոգուս փչակները խոլ Ո՞նց բացեմ խինդ ու նվազի առաջ: Անուններ չտամ- սուրբ են բոլորն էլ, Իմ պղծությունն եմ առավել զգում, Պատիկ հոգսերի մեջ եմ մոլորել Իմ փուչ անցյալն ու

գալիքն անխոստում: Ինչ-որ կրակ կար՝ համով, ինքնաբո՞րբ, Աստվածաբաբե ավանդին հիւ, Ես էդ կրակի հաճությանը խորթ՝ Ձեր կյանքի հաշվին ո՞նց եմ ապրելու:

3. Եղդ չեմ տեսել, ցավդ չեմ կիսել, Չեմ դարչել զոհ թո հաղթության համար, Ոչ էլ կոչեր են շուրթիցս հոսել Ընդափոխական հարթակին հարմար: Ու որ իմն ես դու, ու որ թոնն եմ ես՝ Չարականները չեն հասկանալու, Բայց պիտի կանգնեն խոնարհ հարսի պես

Քո դեմ՝ շանթահար հայացքիդ հիւ: Լույս-մամիկներիդ պայծառ աչքերին Շղարշ է դառնում ջուրը դառնաղի, Դեռ ծավալվում է թո քղանցքների Տուրուղմփոցը դիվային խաղի: Ու որ իմն ես դու, ու որ թոնն եմ ես, Ու իմ արյունը՝ թեզ սպեղանի... Դեռ պիտի փարվի Տիգրան Մեծի՝ պես Զորավոր շունչը Մայր Հայաստանի: 1993 թվական

ԳԵՊԻ ԱՆՄԱՀՈՒԹՅՈՒՆ

Մանկավարժական համալսարանի պրոֆեսորադասախոսական կազմը և ուսանողներն իրենց խորը վշտակցությունն են հայտնում բոլոր զոհվածների հարազատներին, զինակիցներին, կուրսընկերներին: Խոնարհվում ենք մերօրյա հերոսների հիշատակի ու նվիրումի առաջ:



ԱՆԴՐԱՆԻԿ ԳՐԻԳՈՐՅԱՆ

Հայրենիքի սահմանները պաշտպանելիս հերոսացավ նաև Մանկավարժական համալսարանի Կերպարվեստի ֆակուլտետի կերպարվեստ մասնագիտության 2015 թվականի շրջանավարտ Անդրանիկ Գրիգորյանը: Անդրանիկն իր երիտասարդ կյանքը նվիրաբերեց հայրենիքի պաշտպանության սուրբ գործին՝ սերունդներին թողնելով հայրենասիրության և ազգասիրության դրսևորման իր օրինակը:

ՊՈՂՈՍ ՍԱՐԳՍՅԱՆ

Գիտեմք, որ մեր թշնամին ուխտադրուժ է, ազահ ու նենգ, բայց երբեք չէինք կարող մտածել, որ հայ ժողովրդի մի սովոր երիտասարդություն զոհ կգնա նրա դաժան նկրտումներին...

Սեպտեմբերի 27-ին աղբյուրանական բանակը հարձակվեց Արցախի պաշտպանական սահմանների վրա: Բայց վախկոտ ազերիներ այս անգամ մենակ չէ. նրան են միացել Թուրքիան ու միջազգային տարբեր ահաբեկչական խմբեր: Նրանք այս անգամ վճռական են և ուզում են ոչ միայն հայից խլել իր պապենական հողերը, այլև բնաջնջել մի ողջ ժողովրդի, ինչպես դա արեցին 20-րդ դարի սկզբին:

Եվ ահա նոր բռթը. հայրենիքի սահմանները պաշտպանելիս զոհվել է Մանկավարժական համալսարանի Մաթեմատիկայի, ֆիզիկայի և ինֆորմատիկայի ֆակուլտետի ինֆորմատիկա մասնագիտության 1-ին կուրսի ուսանող Պողոս Արտյունի Սարգսյանը: Պողոսը ժամկետային զինծառայող էր, գնացել էր իր պարտքը տալու հայրենիքին:

ՀՈՎՀԱՆՆԵՍ ԲԵՅՐՈՒԹՅԱՆ

Հայրենիքի սահմանները պաշտպանելիս զոհվել է Մանկավարժական համալսարանի Պատմության և հասարակագիտության ֆակուլտետի շրջանավարտ Հովհաննես Բեյրությանը: Նա բանակ էր զորակոչվել 2019-ի ամռանը՝ ավարտելով ֆակուլտետի իրավագիտություն բաժինը:

Հովհաննեսը միացավ հայ անմահ քաջորդիներին և իր անունն ու օրինակը թողեց համալսարանի պատմության էջերում:

Զինվորս, ընկար,
Բայց չծնկեցիր թալանչու առաջ,
Նեռը չտեսավ հզոր թիկունքդ, չլսեց հառաչ,
Խրամատի թաց թմբին փարվեցիր,
Որ ծաղիկները չարյունեն հանկարծ:
- Հրամանատար, էստեղ եմ, ահա՛, նահանջել չկա:
Ու լսվեց զարկը, կրակահերթը քո թնդանոթի:
Վիրավոր Շուշին կարկանդեց մի պահ,
Լեռը դողդաց, ծորերում փռվեց ձայնդ ահարկու,
Ազատարարիդ արյունով գծվեց սահմանը Հայոց,
Եվ երբ գիշերը փռեց թևերը, լույս դարձար մթուն,
Լույս, որ տղերքը չմոլորվեն խենթ, դժնդակ մարտում...
Գինն անմահության լոկ կյանքն է, կյանքը,
Այդպես են կերտվում հաղթությունները դյուցազունների:
Շանթ ու կայծակ են թափվում ու կաթում աչքերիս միջից,
Կսկիծը՝ ցատում, ո՛ւժ է կորուստը,
Եվ տառապանքը՝ վրիժառություն,
Ես ե՛ս չեմ արդեն,
Վահագնի ոգին, վիշապաքաղն է իմ ներսում խոսում...
Քանի՛ երազ կար քո հայացքի մեջ, ի՛նչ բորբ կարոտներ,
Ի՞նչ խոստովանանք, և պատգամ, պատգամ...
Քանի՛ն լուր բերեց,
Թե չկրակված տասը փամփուշտ են գտել
Քո զենք ու գրահի միջից,
Խոնարհ հերոսս,
Ուրեմն ես քեզ կյանք պարտք մնացի,
Տաս ասկյարի դի՛,
Տաս որդի և թռչ,
Որի անունը ՎՐԵժ՝ կլինի...

Գոհար ԵՂԻԱՉԱՐՅԱՆ
15.9.2020



ՈՒՒԲԵՆ ԳԱՍՊԱՐՅԱՆ

Արցախյան պատերազմի ճակատում հայրենիքի սահմանները պաշտպանելիս զոհվել է Խաչատուր Աբովյանի անվան հայկական պետական մանկավարժական համալսարանի Պատմության և հասարակագիտության ֆակուլտետի պատմության բաժնի առկա ուսուցման համակարգի 2011 թվականի շրջանավարտ Ռուբեն Ավետիքի Գասպարյանը:

Ռուբենը ծնվել է 1988 թվականին Վայոց ձորի մարզի Արենի գյուղում: Երկար տարիներ ուսուցչություն էր անում հայրենի Արենիում: Վերջին տարիներին նա աշխատանքի էր անցել Արենիի համայնքապետարանում:

Գործընկերներն ու աշակերտները, մտերիները նրան բնորոշում են որպես համեստ ու հայրենասեր երիտասարդ, ով բարձր պատասխանատվության զգացումով էր մոտենում յուրաքանչյուր գործին:

Պատերազմի հենց առաջին օրը՝ սեպտեմբերի 27-ին, Ռուբենը զինվորագրվեց հայրենիքի պաշտպանության գործին: Ավա՛ղ, հոկտեմբերի 17-ը գուժելու էր Ռուբեն Գասպարյանի հերոսաբար զոհվելու լուրը:



ԱՐՏԱԿ ԲԱՐՍԵՂՅԱՆ

Արտակ Բարսեղյանը Մանկավարժական համալսարանի Գեղարվեստական կրթության ֆակուլտետի 2010 թվականի շրջանավարտ էր, մասնագիտությունը՝ կերպարվեստ: Ուսումնառության տարիներին ֆակուլտետի ուսանողական խորհրդի նախագահն էր: Նրան բնորոշ էին հասարակական ակտիվությունն ու մարդասիրությունը, անկախ մասնագիտությունից նա մասնակցում էր ամենատարբեր միջոցառումների, հրաշալի երգում էր:

Պատերազմական օրերին էլ Արտակն օգնություն էր հասցնում Արցախյան պատերազմական ճակատում վիրավորված հայորդիներին: Այս անգամ օգնությունը պիտի հասցներ Գորիսի հոսպիտալ: Այդ մասին գրառում էր արել ֆեյսբուքյան իր էջում: Չհասցրեց... Չոհ դարձավ ողբերգական ավտովթարի:

Արտակ Բարսեղյանի՝ ակտիվ դիրքորոշում ունեցող համալսարանականի հիշատակն ու հայրենիքին անկեղծ նվիրումը վառ կմնա ոչ միայն դասախոսների և ուսանողների հոգիներում, այլև կրթօջախում, որտեղ դասավանդում էր:

Երիտասարդն այնքան իղձեր ուներ, որ չհասցրեց իրականություն դարձնել...

Ապացուցված է, որ գրագիտությունն ավելացնում է հրացանի օգտագործման ձգբրտությունը:
ՄՈՆԹԵ ՄԵԼՔՈՆՅԱՆ



- Պարոն Հովհաննիսյան, ինչո՞ւ ծագեց Արցախյան պատերազմը:

- Նախ ուզում եմ ցավակցել և իմ խոնարհումը բերել այս օրերին զոհված մեր բոլոր հերոսներին՝ զինվորներին, կամավորներին, սպաներին. նրանք այսօր իրենց արյունով գծում են Հայաստանի սահմանը և հայ ժողովրդի գոյության իրավունքն են հաստատում 21-րդ դարում:

Ցավոք, մենք ապրում ենք այնպիսի տարածաշրջանում և շրջապատված ենք այնպիսի հարևաններով, որոնք անընդհատ փորձելու են վիճարկել մեր լինել-չլինելու իրավունքը:

Ինչո՞ւ սկսվեց պատերազմը... Նախ, պատերազմը չէր ավարտվել, որովհետև

հասկանա՞ հաղթում է ոգին, հաղթում է այն զինվորը, որը բարձր գիտակցություն ունի հայրենիքի համար մղվող պատերազմում, և երկրորդ, մարդկության պատմության մեջ վարձկանների վրա հույս դրած բանակը երբևէ հաջողության չի հասել, անկախ վարձկանների թվաքանակից ու մարտունակությունից: Որովհետև մարդը, որը կռվում է փողի համար, պարտվելու է ոգով կռվողներին, զուտարած նաև Արցախի մեր լեռները, տարածքը... Մեր զինվորը գիտակցում է՝ ինչի համար է կռվում, որ պաշտպանում է թիկունքում թողած իր ընտանիքը, և այդ զինվորին անհնար է հաղթել:

- Արդեն պատերազմի 17-րդ օրն

նախք եմ հանդիսացել Ռուսաստանի և տարածաշրջանի համար, և սա, կարծում եմ, մեր տարածաշրջանի խաղացողները, մասնավորապես Ռուսաստանը և Միսսիլի խմբի երկրները, ճիշտ հասկացան: Շեշտադրումներն արվում են այդ ուղությամբ... Բայց, այս բոլորով հանդերձ, խնդիրը լուծում է հայ զինվորը, հայոց բանակը, որովհետև պատմությունը ցույց է տվել, որ երբ զալխս է բանակցությունների, դիվանագտական առուծախի ժամանակը, հստակ առաջընդդրվում են իրողություններով՝ որտեղ է կանգնած քո զինվորը: Իսկ մեր զինվորն այսօր գծում է մեր սահմանները: Խորենացին ասում է. «Քաջաց սահմանն իրենց սուրն է»,

չեն պատկերացնում ռեալ իրավիճակն այստեղ: Եվ, այդ, նորից առաջ է գալիս հայրենասիրական, ռազմահայրենասիրական դաստիարակության հարցը...

Ոչ վաղ անցյալում քննարկվում էին առարկայական չափորոշիչները... Այս հարցերը կարմիր թելի պես անցնելու են բոլոր՝ անգամ բնագիտական առարկաների միջով: մենք այլ տարբերակ չունենք: Սա ցույց է տալիս, որ նախորդ տարիներին որակյալ աշխատանք է արվել, ինչը ապացուցեց՝ մենք սերունդ ունենք, որը պատրաստ է կռվելու: Իսկ կռվողին, ուժեղին հարգում են, հետը հաշվի են նստում, թույլին՝ խղճում: Այս տարիների մեր ամենամեծ ձեռքբերումը անկախության սերունդն էր, որը ծնվել և մեծացել է՝ Հայաստանը պատկերացնելով ազատ և անկախ, սերունդ, որը պատրաստ է այս երկրի համար կռվել մինչև վերջ և զոհել ամենաթանկը՝ իր կյանքը:

Խաղաղ ժամանակ բանակից ոչ պակաս աշխատանք ունի անելու ուսուցիչը: Եվ նա այդ գործը պատվով է անում: Այսօր մեր ուսանողները, որպես կամավորներ ու ժամկետային զինծառայողներ, սահմանին են, պատերազմի դաշտում: Ցավոք, ունենք վիրավորներ ու զոհվածներ: Բայց մենք պետք է պատրաստ լինենք այդ ամենին:

Թերևս պատահական չէր, որ Մաշտոցն իր կյանքի սկզբին զինվորական էր, և հասկացավ, որ զենքից բացի պետք է կռվել նաև գրչով, մտքով, գիտելիքով, և ստեղծեց ստեղծեց հայոց այբուբենը, որն արդեն դարեր պայքարում է մեր ինքնության, մեր տեսակի համար, դաշնակցելով զենքի և ազգի հետ:

- Պարոն Հովհաննիսյան, կանխատեսելը դժվար գործ է, բայց որպես պատմաբան կարո՞ղ եք ասել՝ երբ կավարտվի այս պատերազմը:

- Կոնկրետ այս պատերազմը չեմ կարող ասել երբ կավարտվի, բայց դարաբաղյան հարցը շուտ չի լուծվելու, շատ բարդ հարց է: Պատերազմին հաջորդող փուլը երկար է տևելու: Եվ մենք նորից պետք է պատրաստ լինենք. ցավոք, սա է իրողությունը: Պետք է անընդհատ ուժեղանանք, շենացնենք մեր բանակը, մեր պետությունը և մեր ուժեղ լինելով անընդհատ պարտադրենք այդ խաղաղությունը: Որքան էլ ցավալի է, միայն այդ ձևով մենք կարող ենք հետաձգել հաջորդ պատերազմը: Ես կուզեմայի վաղի լավատես լինել, բայց հարցը միայն մեր և Ադրբեյջանի դաշտում չէ, այստեղ կան տարածաշրջանի այլ խաղացողների շահեր, բախումներ: Երկրորդ տարբերակն այն է, որ կտրտես Ադրբեյջանի ողնաշարը և ստիպես, որ նա ճանաչի Արցախի անկախությունը:

- Իսկ Արցախի անկախության միջազգային ճանաչման մասին ի՞նչ կասեք:

- Ինձ համար դա ամենաբարդ հարցն է: Իմ կարծիքով Արցախը պետք է միացվի Հայաստանին, ինչպես նախկինում նախատեսված էր: Այս պահին, ելնելով իրականությունից, միջազգային նորմերից, դիվանագիտական տարբեր բանակցություններից՝ շրջանառվում է Արցախի միջազգային ճանաչման հարցը: Հուսով եմ՝ պատկան մարմինները, ունենալով ամբողջական պատկերացում, հարցը կկարգավորեն ճիշտ ձևով: Իսկ ես մնում եմ իմ կարծիքին, այն է՝ Արցախը Հայաստանի կազմում, մեկ ազգ, մեկ պետություն:

Հարցազրույց՝ Բրիտանիա ՄԵԼԵՆՍՆԻ

«ԱՅՍ ՏԱՐԻՆԵՐԻ ԱՄԵՆԱՄԵԾ ԶԵՌՔԻՆՈՒՄԸ ԱՆԿԱՄՈՒԹՅԱՆ ՄԵՐՈՒՆԴԻՆ Է»

Էդգար ՀՈՎՀԱՆՆԻՍՅԱՆ

*Պատմական գիտությունների թեկնածու, դոցենտ
Պատմության և հասարակագիտության ֆակուլտետի դեկան*

90-ականներից սկսված արցախյան շարժումը, որը վերածվեց պատերազմի, վերջին 30 տարիների ընթացքում չէր ավարտվել, ուժեղ կամ թույլ դրսևորումներով ռազմական գործողությունները շարունակվում էին... Սա երրորդ խոշոր պատերազմն է, չհաշված ընթացքում դիվերսիոն ու ռազմական հարձակման փորձերը, դիպուկահարների պատերազմը... Պատերազմը չէր ավարտվել, և այս անգամ թշնամին խնամքով պատրաստվելով, փոխելով ռազմավարությունն ու մարտավարությունը, նաև ստանալով իր մեծ եղբոր՝ Թուրքիայի աջակցությունը, ներդնելով տասնյակ միլիարդավոր դոլարներ ու ստանալով զենք Իսրայելից, վարձկան ջիհադիստ ահաբեկիչներ՝ Սիրիայի տարածքից, իսլամական պետություններ Պակիստանի և Աֆղանստանի բարոյական ու նյութական աջակցությունը, փորձեց հարցը լուծել իր օգտին: Ցավոք, մեծ զոհեր տալով, մենք հերթական անգամ ապացուցեցինք, որ իրադրության տերը մենք ենք, ջախջախելով թշնամուն:

Ռազմական գործողությունները շարունակվում են: Կոմ տարբեր դիտարկումներ, բայց ես մեր լսարանին և ուսանողներին հորդորում եմ հետևել միայն պաշտոնական տեղեկատվությանը, որովհետև, ի տարբերություն թշնամու, մեր տեղեկատվական դաշտը բաց է, չհաշված ռազմական գաղտնիք պարունակող տեղեկատվությունը, ինֆորմացիոն ճիշտ քաղաքականություն է տարվում և մաքսիմալ ճիշտ է ներկայացվում իրադրությունը: Եվ այս պահին թշնամու՝ արագ հաջողության հասնելու ծրագիրն ուղղակի խափանվել է:

- Ի՞նչը հաշվի չէր առել թշնամին նման լայնածավալ հարձակման դեպքում:

- Գարեգին Նժդեհն ասում է՝ կռվում են բանակները, բայց հաղթում է ոգին, հաղթում են ժողովուրդները: Մենք գիտենք, որ կռվում ենք մեր հայրենիքի համար, որքան էլ թշնամին զինված լինի նոր, ժամանակակից տեխնոլոգիաներով, ընթանում է 5-րդ սերնդի պատերազմ, սա տեխնոլոգիաների պատերազմ է, բայց թշնամին պիտի



է: Դիվանագիտական տարբեր հարթակներից հնչել են թեկունային կոչեր, հայտարարություններ. դրանցից որո՞նք կառանձնացնեիք, կամ, եթե կարելի է այսպես ասել, ի՞նչ դիվանագիտական ձեռքբերումներ ունենք:

- Կարծում եմ այդ տեսակետից բավականին արդյունավետ ենք աշխատում և մենք կարողացանք ցույց տալ, որ սա զուտ հայ-ադրբեյջանական պատերազմից վերածվել է Թուրքիայի՝ տարածաշրջան ներս մտնելու փորձերի ու ջանքերի, որին աշխարհը բացասաբար արձագանքեց, որովհետև Թուրքիան բոլոր տաք կետերում միջամտում է՝ Սիրիայում, Լիբիայում, Իրաքում... Հիմա արդեն Հարավային Կովկասում:

Մեզ հաջողվեց փաստերը ճիշտ մեկնելով հասցնել մեծ տերություններին, աշխարհին, միջազգային կառույցներին, և եթե այստեղ իրավիճակը վերահսկողությունից դուրս գո՞ր Հարավային Կովկասը կդառնա մեր ահաբեկչության կենտրոն: Իսկ մի քանի հազարի հասնող ահաբեկիչներն այստեղից շատ հանգիստ կարող են ներխուժել Իրան, և Իրանը լուրջ խնդիրներ կարող է ունենալ, որովհետև տարբեր թրջալեզու ժողովուրդներ, բացի այդ, ընդգրկված են Սիրիայի ահաբեկիչներ, որոնք կարող են թափանցել Հյուսիսային Կովկաս: Ոչ վաղ անցյալում մենք գիտենք ահաբեկչական ինչ կառույցներ են գործել այնտեղ, ինչպիսի սպառ-

իսկ ես ասում եմ՝ մեր պետության սահմանը մեր զինվորն է: Ունենք մեր մեծ հայրենիքը, պատմական հայրենիքը, բայց փաստացի երկիրը, պետականությունն ավարտվում է այնտեղ, որտեղ կանգնած է հայ զինվորը, որի թիկունքում դու կարող ես հանգիստ կանգնել:

- Այս բախումները, իրավիճակը ևս մեկ անգամ կարևորեցին ուսուցչի դերը, որովհետև զինվորի մարտական ոգու հետևում կանգնած է լավ ուսուցիչը: Այս պահին մենք մանկավարժներ պատրաստող միակ բուն ենք. որպես պատմաբաններ պատրաստող ֆակուլտետի դեկան՝ կասե՞ք ինչ զինանոցով պիտի պատմության ուսուցիչը մտնի դպրոց, որպեսզի մենք ունենանք այս մարտական ոգու շարունակականությունը:

- Այս պատերազմը հերթական անգամ ապացուցեց, որ նախորդ տարիներին թմբիրի մեջ հայտնված շրջանակների կողմից հնչած, թե ռազմահայրենասիրական դաստիարակությունը շիզոֆրենա է, որ խաղաղասիրության և համակեցության կանոնները պետք է մատուցել դպրոցում, երիցս սխալ է և դեռ դրա ժամանակը չէ: Չկա մի այլ ժողովուրդ, որը հայ ժողովրդից շատ է խաղաղություն ուզում: Սա է մեր տարածաշրջանը, և հայտնի բանաձևը խաղաղություն պարտադրելն է ու պատրաստ լինելը պատերազմին: Տարբեր տեսակետներ հնչեցնողները



Մենք նույն դեմքով թշնամի ունենք, այն ինչ կատարվում է Արցախում բոլորիս խնդիրն է

Հայաստանում հունական համայնքի դիրքորոշումը՝ կապված Արցախի պատերազմի հետ, ամբողջությամբ համընկնում է հայ ժողովրդի դիրքորոշման հետ: Նման տեսակետ հայտնեց Հայաստանում «Հունական համայնքների միության» ՀԿ նախագահ, ՀՊՄՀ շրջանավարտ Մարիա Լազարևան՝ հավելելով, որ Արցախը Հայաստան է:

«Սա մեր հայրենիքն է, մենք այստեղ ծնվել ենք, մեծացել ենք, կրթություն ենք ստացել, մեր մայրենի լեզուն հայերենն է: Մենք մտածում ենք այնպես, ինչպես մտածում է Հայաստանի ժողովրդի մեծամասնությունը»,- ասաց նա:

Մարիա Լազարևան նշեց, որ Հայաստանում հունական համայնքը 1000 հոգի է, Արցախում էլ հունական համայնք կա, սակայն ավելի փոքր՝ մոտ 40 հոգի: Նրա խոսքով՝ հույներն էլ այսօր ծառայում են հայկական բանակում՝ ինչպես ՀՀ յուրաքանչյուր քաղաքացի, իսկ իրենց փոքր համայնքն արդեն իսկ 1 զոհ է տվել:

«Հայաստանի հույներն այսօր անում են այն, ինչ անում են հայերը՝ իրենց ընտանիքներում հյուրընկալում են արցախցիներին, պատանիներն ու երիտասարդները աշխատանքից հետո կամավոր օգնում են պահեստներում, արտադրամասերում, հագուստ, գունար են հավաքում և այլն: Իսկ մեր երկիրը՝ Հունաստանը, առաջին իսկ օրվանից անհանգստացած է, ապրումակցում է, աջակցում է այն պայքարին, որն ունենք: Մենք ունենք միանման պատմություն, միանման ճակատագիր ու նույն դեմքով թշնամի: Այս պահին հունական համայնքի ներկայացուցիչներն ավելի շատ հայ են»,- ընդգծեց Մարիա Լազարևան:

Վերջինս հավելեց, որ իրենք ակտիվ են հունական լրատվամիջոցներում՝ գրեթե ամենօրյա ռեժիմով հարցազրույցներ են տալիս, տեղի իրադարձությունները թարգմանում ու ներկայացնում:

Անի Արամի
NewArmenia.am

Խաչատուր ՍՏԵՓԱՆՅԱՆ

ՊԵՏՔ Է ՎԵՐԱԻՄԱՍՏԱԿՈՐԵՆՔ ՄԵՐ ԱՇԽԱՐՀԱՅԱՑՔԸ...

Այն, որ այս պատերազմում մենք հաղթելու ենք և արդեն հաղթում ենք, որևէ կասկած չի հարուցում: Բայց հաղթանակն արագացնելու և հաղթելուց հետո այն կրկին անգամ չմխսելու համար պետք է այսօր ևեթ փոխենք ինքներս մեզ:

Պետք է վերաիմաստավորենք մեր աշխարհայացքը՝ հայրենիքը սիրելու և թշնամուն հանդուրժելու, անձնական հարստություն կուտակելու և անկաշառ լինելու, սեփական աթոռը պաշտելու և ինքնագոհության գնալու և այլ առումներով:

Առանձնակի նրբանակատ պետք է գտնվել մեր հայրենիքի ամեն մի կտոր հողի հանդեպ: Հողապահանջությունը ոչ թե ծաղրի արժանացած հայրենասերների սնապարծ ամբիցիա է, այլ՝ մեր անվտանգությունն ու հարատևությունը երաշխավորող գլխավոր մոտիվացիա: Պետք է մերժվի հայրենասիրությունը ծաղրող ամեն մի շնչող էակ: Այսօր ճակատում, թիկունքում, սփյուռքում մարտնչողը հայի հայրենասեր տեսակն է՝ անկախ իր քաղաքական հայցքներից:

Պետք է վերաիմաստավորենք կրթությունը: Կրթությունը պետք է լինի ոչ թե հանուն կրթության, այլ՝ հանուն հողի, մարդու, հանուն հայի և հայրենիքի հարատևման:

Պետք է վերաիմաստավորենք մեր տնտեսությունը: Տնտեսությունը պետք է լինի ոչ թե հանուն փողի, այլ հանուն անվտանգության, հանուն տեսակի շարունակականության: Հայոց երկրում անմշակ հող չպիտի մնա, առանց հողի գյուղացի չպիտի մնա: Հայոց երկրում ոչ մի չաշխատող գործարան չպիտի մնա: Պիտի ստեղծվեն նորերը, շատերը, հզորները:

Հանուն մեր վաղվա օրվա, հանուն մեր տեսակի շարունակականության, հանուն մեր ՓԱՌԱՎՈՐ ԱՆՄԱՅՆԵՐԻ ՍՈՒՐԲ ՀԻՇԱՏԱԿԻ պարտավոր ենք փոխվել:

Իսկ մինչ այդ և, ընդհանրապես, կեցցե հայոց հաղթական բանակը...

ՕՖԵԼԻ ԴԱԼԱՔՅԱՆ

Քեզ՝ հարազատս

Քո մասին երբեք ոչ մի տող չեն գրել... դու միշտ իմ ներսում ես, ինչպես շունչս է՝ մինչև կտրվելը, դու իմն ես, ինչպես ճակատագիրս է իմը:

Քո մասին շատերն են գրել ու գրել են շատ գեղեցիկ. հոգի խորովող, աչքից արցունք քամող: Բայց այսօր պիտի գրվես, ներհի... Հայրենիք, քեզ խանդում են մայրերը, քեզ նախանձում են սիրած աղջիկները, որովհետև քեզ համար ընկնում են՝ արժանալով հերոսի կոչման, որ երբեք-երբեք չեն իմանալու այդ մասին: Դու ընկած-ներին միայն այդ կարող ես «նվիրել», իսկ մայրերի՞ն... նրանց ի՞նչ ունես տալու, որովհետև քեզ համար ընկնում են՝ առանց մայրերին հարցնելու:

Գիտե՞ս, սիրելիդ իմ, ոչ ոք գիտակցված չի գնում հերոսության, նրանք հերոսանում են ակամա՝ գրպանած կիսատ երազանքներ: Մայրը հերոս չի ծնում, նա թաղում է հերոս:

Ներհի, որ այսքան խիստ եմ, պարզապես քեզ կորցնելու վախն է ստիպում այսքան թուլանալ, այսքան կառչել սահմաններիդ, գրկել, որ ձեռքից չտանեն... որ կում-կում կուլ չտան արցունքներս: Երբեք խաղաղությունն այսքան չէր երերացել ոտքիս տակ, այսքան մոտ չէի զգացել պատերազմը. կարծել եմ, որ այդ չարիքը անցյալում պիտի լիներ՝ ամրագրված դասագրքերում, որ հերոսները միայն գրքերից ժպտացող խաղաղ դեմքերն են, որ միս ու արյունից չեն, բայց, սիրելիս, խեղճ, հպարտ, հերոս ու մերս, բայց ոչ այս քաղաքակիրթ լուսավոր դարում, քեզ չի սազում ընկնել: Հայրենիք դու շատ հպարտ ես, դու սիրուհի ես, ուն համար խենթանում են, խեղճները թոցնում՝ մոռանալով տուն-տեղ, ընտանիք:

Երբեք չէի մտածի, որ քեզ համար արյունակիցս, միակս իրեն կոնի ոտքերիդ տակ: Վստահ էի, որ կշրջանցես ինձ, բայց խաղաղությունը ավելի է թանկանում, երբ եղբայրս է քեզ համար կռվում, ու ես դառնում եմ ուժեղ՝ լացս խեղդելով, մորս հույս տալով: Եվ ամենից բարձր ծայրով ես եմ ծիծաղում, որ թշնամիդ խեղդվի չարությունից, որ քեզ համար քույրերն էլ իրենց չեն խնայում. բարձր ծիծաղում եմ, որ ես էլ հավատամ իմ ուժին, որ չգժվեմ, Հայրենիք, որովհետև քեզ համար նաև խելագարվում եմ:

Հայրենիքս, սա քո կռիվը չէ. վերջում, ի վերջո, ծնկի ենք գալու բոլորս Նրա առաջ, որ Նա վերադարձնի քեզ ու քո հերոսներին, որովհետև սա Նրա կռիվն է, Նրա հավատի ու սիրո՞ղջինչ չի տրվում հենց այնպես. «Հավատո՞ւմ եք, որ ես կարող եմ ձեր աչքերը բանալ»: Եվ չպարզեց նրանց աչքի լույս, Մինչև հավատի գրավ չստացավ (Նարեկ, Բան ժԱ): Ուրեմն, այս հերոսները մեր գրա՞վն էին, մեր մե՞ղքն էին, որ պիտի իրենց ուսերին տանեին: Նրանք մեր ու երկրի միջև եղած բարությունն են, մեր ներումն են:

Ներհի ինձ, Հայրենիք, քեզ այսքան սիրելու, այսքան ինձ համարելուս համար, ուրիշ ո՞ւմ հետ կարող էի այսքան անկեղծանալ, ո՞վ կլսեր ու կներեր, բայց բավ է այսքան հերոսներ ունենաս, մի կողմ դիր հպարտությունդ, քանզի քեզ համար ապրելն ավելի գեղեցիկ է ու հերոսական, քան մեռնելը, բավ է, ես հանձնվում եմ, Հայրենիք, այլևս չեմ կարողանում բարձրաձայն ծիծաղել:

ԹԱՐԳՄԱՆՉԱՅ ՏՈՆԸ ՄՈՍԿՎԱՅԻ ԸԱՅԿԱԿԱՆ «ՎԵՐԱԾՆՈՒՆԴ» ԴՊՐՈՅՈՒՄ

Հայ ժողովրդի պատմության համար այս ճակատագրական ժամանակաշրջանում ՌԴ-ում ՀՀ դեսպանությանը կից Մոսկվայի «Վերածնունդ» հայկական կիրակնօրյա դպրոցում աշակերտների և ծնողների հետ անցկացվեց հերթական ուսումնական օրը, որը ճանաչողական և դաստիարակչական բնույթ ուներ: Այն նվիրված էր Թարգմանչաց տոնին և Հայոց այբուբենի օրվան, որոնք ամեն տարի նշվում են Հայաստանում հոկտեմբերի երկրորդ շաբաթ օրը:

Օրվա բանախոսը կառավարման սոցիոլոգիայի ոլորտի փորձագետ, մասնագիտական գիտական իրապարակումների հեղինակ, սոցիոլոգիական գիտությունների թեկնածու Պոլինա Սապանիդին էր, ով համոզեց եկավ ճանաչողական հետաքրքիր ելույթով՝ նվիրված հայ գրերի գյուտին և քրիստոնեության ծագմանը: Հավելեց, որ տիկին Սապանիդին երեխաները՝ Ռադան և Ջոյան, հաջողությամբ ուսանել են «Վերածնունդ» դպրոցում:

Հետաքրքիր էր հայագիտության ուսուցչուհի Քնարիկ Վարդանյանի զեկուցումը Մեսրոպ Մաշտոցի, Կորյունի, Եղիշեի, Եզնիկ Կողբացու, Ղազար Փարպեցու, Մովսես Խորենացու, Մովսես Քերթոզի, Դավիթ Անհաղթի, Գրիգոր Նարեկացու և Ներսես Շնորհալու մասին, իսկ երաժշտության ուսուցչուհի Արփինե Սամվելյանը ներկայացրեց, թե ինչ է հայրենասիրական երգը՝ ընդգծելով նրա դերն ու նշանակությունը հայ ժողովրդի կյանքում: Բաց դասն ավարտվեց հայրենասիրական երգերի կատարումներով:

Ուսումնական օրն ամփոփեց դպրոցի տնօրեն Շողիկ Փափլանյանը:



ԾԱՂԿԵԼՈՒՒ ԵՆ ՆՌՆԵՆԻՆԵՐԸ

Կործանեցե՛ք Հայաստանը: Տեսե՛ք՝ կատացվի՞: Հանե՛ք տներից, ուղարկե՛ք անապատները: Թողե՛ք առանց հաց ու ջրի: Կրակի՛ մատներ տներն ու եկեղեցիները: Տեսե՛ք՝ նորից չե՞ն ապրի: Տեսե՛ք՝ նրանց ցեղը դարձյալ չափտի՞՞ հառնի, երբ քսան տարի հետո երկու հոգի հանդիպեն գարեջրատանն ու ծիծաղեն ու խոսեն իրենց մայրենի լեզվով: Դե՛, տեսե՛ք՝ կկարողանա՞ք արգելել, որ նրանք ծաղրեն ձեր մե՛ծ-մե՛ծ գաղափարները, շահ տղերք, որ երկու հայ խոսեն աշխարհում: Դե՛, փորձե՛ք կործանել նրանց:

Վիլյամ Սարոյան



Դարեր շարունակ փորձում են, և նրանց յուրաքանչյուր փորձ ջախջախիչ պարտությամբ է ավարտվում. մենք էլի ծիծաղում, աղոթում ու հայտնում ենք մեր մայրենիով, մենք էլի՜ ապրում ենք: Թանգարանային մեկ օրինակ էին ուզում թողնել մեզմիջև: Բայց մենք՝ հանդուգն, համառ, կենսասեր, ապրող, նոր ծիլեր տվեցինք Ֆրեզոյում, Նյու Յորքում, Փարիզում, Կալիֆոռնիայում ու աշխարհի տարբեր քաղաքներում, նահանգներում, երկրներում: Մենք տարածեցինք մեր մշակույթը, պահպանեցինք մեր ազգային էությունը, որովհետև ինչպես ասել է. «մեր հայրենիքում մեզ սպանեցին, սակայն չսպանվեց հայրենիքը մեր մեջ»:

Հայը չի զոհվում, չի նահատակվում, չի տեղահանվում, չի մորթվում. նա ասուպ է դառնում քաղաքակիրթ աշխարհի քաղաքների երկինքներում, որ լուսավորի մարդկանց միտքն ու լիացնի մարդկությանը:

Այդ հայը Վիլյամ Սարոյանն է:
 Այդ հայը Շառլ Ազնաւուրն է:
 Այդ հայը Վահան Թեքեյանն է:
 Այդ հայը Կոստան Զարյանն է:
 Այդ հայը Սփյուռքում ապրող հացթուխն է:

Այդ հայը Սփյուռքում ապրող ուսուցիչն է... այդ հայերը շատ են:

Ֆրեզոյի սալիկապատ փողոցները խորք մնացին Սարոյանի՝ բիթլիսյան քար ու քոթայով փողոցների հայկականությանը լցված հոգուն: Չէր տեսել Արևմտյան Հայաստանը, բայց ծնողներից ժառանգել էր հայեցիությունն ամենամեծ աշխարհաքաղաքացիներից մեկը՝ Վիլյամ Սարոյանը: Ինքն էր ասում, որ թեև լեզուն անգլերենն է, բայց ոգին, որ ստիպում է գրել, հայկական է: Նա ինքը բոլոր հայերին ուղղած իր կոչին հավատարիմ մնաց. «ուր էլ լինես՝ պուռա Հայաստան»: Ու գոռաց ինքը:

Ազգապահպանության կարևորագույն լծակները երկուսն են Սարոյանի համար՝ հայրենիքը և ոգին: Ահա նրա հերոսը: Ձանասիրաբար նռնենիներ է տնկում օտար ափերում: Չորամուն են, նորն է տնկում: Նռնենին հայության խորհրդանիշն է, հատիկները՝ աշխարհասփյուռ հայերի: Սարոյանը մեկ այ-

գում է փորձում հավաքել բոլորին:

Օտար ափերում ոգին է, հայկական սովորույթները, ավանդույթները, մշակույթն են պահում, ազգային ինքնությունը: Իսկ այդ ոգու սնուցման միակ աղբյուրը Հայաստանն է: Կա Հայաստանը, որ ուժ է տալու աշխարհասփյուռ հայությանը, Սարոյանի հերոսներին՝ իր քեռիներին, որ նոր Հայաստան ստեղծելու ճանապարհներ են փնտրում ու հավատում են՝ ծաղկելու են նռնենիները:

38 լեզուներով թարգմանված Վիլյամ Սարոյանի էջերում մնաց Բիթլիսի քարտեզը («Հայկական եռագրություն»), որ նրան ապրելու, արարելու գեն էր փոխանցել:

Նույն Կալիֆոռնիայում ազգապահպանության գենը վերցրեց նաև Լևոն-Ջավեն Սյուրմեյանը, ում բարձրաձայնած խնդիրը, ցավը դեռ այսօր էլ մեզ հանգիստ չի տալիս: Տպագրվեց նրա «Ձեզ են դիմում, տիկիներն ու պարոններ» վեպը: Սա բողոքի ձայն էր աշխարհին, որ լուռ ու կույր մնաց դարի մեծագույն ոճրագործության հանդեպ: Նա հավատացած էր, որ իրենք՝ վերապրողներն, ավելի ուժեղ են, և վշտի մեծությունն ունի նաև վշտի ուժի՝ մեծությունը: Նա ոչ միայն գեղարվեստական երկ ստեղծեց, այլև վավերագրական, որ ճշմարտացիորեն բոլոր փաստարկներով ներկայացնում է պատմական իրողությունը: Հեղինակը համաձայն է գրչակից ընկերոջ հետ. Սփյուռքում հային ապրեցնողը հայկական ոգին է, ազգային հոգեբանությունը, ազգային արժանապատվությունը: Սյուրմեյանը եկավ մեր ակունքներին, որովհետև վերապրումը սկսվում է նախածննդից: Նա անգլերեն թարգմանեց հայկական հեքիաթներն ու դյուցազնավեպը:

Ճանաչե՛ք մերօրյա գրող Փիթեր Բալաքյանին, նույնպես ծնված ԱՄՆ-ում: Նա ևս փորձեց թարմացնել աշխարհի ջնջված հիշողությունը: Ահա նրա «Ճակատագրի սև շունը», «Պայծառ տխուր օրերը»: Նա գրում է հուշագրություններ իր երկրի, որ երբեք չի տեսել: Նրա համար հայրենիքի խորհրդանիշը տատն է: Տատն ու երկիրը

նույն դիմանկարն ունեն. նա տատի դեմքով ճանաչում է իր հայրենիքը. «Այն առկա էր իմ տատի կերպարով: Ինչ որ էր այդ երկիրը՝ ուրեմն հենց տատն էր, ուրեմն՝ հենց երկիրն էր»: Տատի մահից հետո հատկապես նրա պատմածները կաթիլ առ կաթիլ ապրողների մեջ լցնում են հայկականությունը: Տատը պատմություններ էր պատմում, որ ժամանակ ու տարածություն չէին մատնանշում. մենք հավերժի ճամփորդներ ենք:

Փիթերը Բալաքյան գերդաստանում միակը չէ, որ հասել է հաջողության: Այդ ընտանիքը մտավորականներ ծնեց, որ պահպանում են պատմական հիշողությունը, ինքնությունը, ժառանգել են արարման գենը:

Մեր քարտեզը մեզ տանում է դեպի Փարիզ: Շատերիս է հուզել «Մայրիկ» ֆիլմը, նաև Անրի Վեռնոյի համանուն վեպը, որի կենտրոնում այն հայն է, որ, հեղաբեկումները հաղթահարելով, իրեն փորձում է գտնել նոր աշխարհի, նոր կեցության մեջ: Եվ գտնում է: Նրա տարագրված հերոսները դիմադրող հայերն են: Օտար միջավայրին դիմադրող, որ պահպանեց իրենց: Սա, ըստ էության, կենսագրական վեպ է, որը, սակայն, ոչ թե անձի, այլ ամբողջ ազգի կենսագրությունն է: Նա հավատացած էր, որ միշտ էլ մի տեղ փրկության խարսխ կա: Ինքը վեպում մեջքերում է Բեռնեդիկոս 15-րդի խոսքերը. «Թող բոլորը քաջ գիտենան, որ ազգերը չեն մեռնում»: Սրանով փաստում է աշխարհին ու հավատացնում՝ ապրելու ենք:

Եվ ահա բեմում է Շառլը: Ազնավուրն ինքը մի առիթով խոստովանում է, որ իրեն սնել է հատկապես հայկական բանաստեղծական ժողովրդական տարրերը: Եվս մեկ աշխարհաքաղաքացի, ով երգեց ինչպես մարդու, սիրո, կյանքի հմայքների մասին, այնպես էլ սեփական ժողովրդի անցյալի, վշտի, ապրելու իրավունքի մասին: Ահա նրա հերոսը՝ տնանկ մի մարդ (ինչպես սփյուռքի բոլոր հայերը), որ կորցրել է «մեծ տունը»: Նա վախենում է իր տունը մտնել, որովհետև անցյալն է ապրում այնտեղ, որովհետև այդ անցյալում շատերն ընկան՝ հայացքներն Աստուծուն հառած: Չմայած իր ստեղծագործություններում խոսում է հայի ազգային հիշողության ու կոտորածի մասին, սակայն նա այդ ամենը դուրս է հանում մեղ սահմաններից ու խնդիրը ներկայացնում հումանիզմի իրավունքների պաշտպանության համատեքստում: Ոճրագործությունը չարիք է, որ չպատժելու ու չկանխելու դեպքում աշխարհի?ն է սպառնալու, ոչ թե միայն հային: Նրա՝ «Քեզ համար, Հայաստան»-ը սոսկ բանաստեղծական տող չէր. նրա ապրելն էլ ու ապրելուց հետոն էլ անգամ Հայաստանի համար էր:

Մենք վերածնվել ենք Սփյուռքում, որտեղ չունենք պատմական հող: Բայց մեզ վերածնվելու համար պետք էր գիտակցություն, որովհետև հայրենիքը մեր մեջ է ապրում: Նրանք, ում մասին գրեցի և չգրեցի, իրենց գրչով, երգով, արարման կարողությամբ արթուն են պահում ազգային հիշողությունը ու մեզ հասցնում համամարդկային մշակույթի լայն տիրույթներ:

Ուրեմն աշխարհը լավ կանի՝ Սահյանին լսի ու աչքն իր խղճի վրա պահի: Թե չէ մենք աշխարհի որ ծայրի գարեջրատանն էլ լինենք ու մեր հորինած գարեջուրն էլ խմենք, հայերեն ենք ծիծաղելու, հայոյելու, ապրելու:

Վանուհի ԲԱՐՍՅԱՆ

Խաչիկ ՄԱՆՈՒԿՅԱՆ

Սուրուն են,
 Շաչուն են,
 Պայթուն են արկերը,
 Պարելով բերում են կրակ ու մահ.
 Երկնքից կանչում է
 Հրազարդ լապտերը,
 Կարմրածոր պատկերներ
 Կշաղի հիմա:
 Կանգնել են քաջերը,
 Մահաբեր անձրև է,
 Շրխկան մտրակը
 Իջնում է վար,
 Բայց քաջի՜ ոգու դեմ
 Մահը պապանձվել է,
 Մահվանը հաղթել է
 Ձիմվորը հայ:

Մարդկություն չկա, նյութեր չափեր են,
 Հոգիներում՝ նենգ դատարկություն,
 Ճարտասանների պարապ բառեր են,
 Խորքում քողարկած ծաղր ու թույն:
 Ծուխ ու փոշու մեջ լույսը մարել են,
 Եվ քո արևն էլ քեզ չի՜ շողում
 Դավաճաններդ քեզ ավարել են,
 Հերոսներիդ ես հիմա թաղում:

Լիլյա ՄԱՇԻՆՅԱՆ

Երգը մի վայրկյանում փոխվեց գենքի,
 Եվ երազը աստղե մրմուռ դարձավ,
 Չկա՞ սպեղանի ես մեր վերքին,
 Քո մեջ կտոր աստված չկա՞, աշխարհ...
 Քաղաքներով ձգված երթերաշարք,
 Աչքս՝ պատասխանի վազող տողին,
 Քանի՞ դար դեռ պիտի ձեր դուռը գանք,
 Որ շնչելու օդ տաք, մեր իսկ հողին...
 Ի՞նչը վրիպեցինք, ի՞նչ բաց թողինք,
 Լրացնելու ստույգ պահն էլ հասավ,
 Արդարություն, արժաթով քեզ ծախող
 Ես ինչքան ուրացող Հուրա տեսա:
 Ու որ՝ գարթենս գրկից Մորփեսոսի,
 Հիշիր, մոլորակ, կա՞ հայ ու Արցախ,
 Եղ արժաթով կյանք չի հարահոսի,
 Երբ վաղը դու լինես «կեռ թրի» տակ:

Որի՞դ չգրած տողերը գրեն,
 Որի՞դ երազը հասցնեմ գալիք,
 Ես պատերազմը երգով ու՞ր հրեմ,
 Պոետ տղաներ, լավեր, ետ գայիք...
 Որի՞դ չգրած նոտան որոնեն,
 Որ խեղճ դուրդուկը լույս չիմայի,
 Երաժիշտ տղերք, ձեզ հետ ինչ տոն էր,
 Ուրախ մեղեդով երանի գայիք...
 Որի՞դ երկնքի գույները ընտրեմ,
 Խառնեմ հետոյի խաղաղ կտավին,
 Նկարիչ տղերք, մի հնար գտեք,
 Որ վրիպեք դև թուրքի գնդակից...
 Ձեր էջերի մեջ սրտեր են դնում,
 Որ տեսնեիք ու չնստանայիք,
 Աստղացած տղերք, որտե՞ղ եք... ու՞ր եք...
 Էլ ի՞նչ անեմ ես, որ դուք ետ գայիք...
 Որի՞դ մայրերին, որի՞դ սերերին,
 Ո՞ր հույսի երգով, ո՞նց մխիթարեմ,
 Մեր ծաղիկ տղերք, մեր գիտակ այրեր,
 Որ մատաղվել եք մտքի խավարին...
 Չգիտես՝ լռես, չգիտես՝ խոսես,
 Գրի՛չ, ո՞նց կուզեմ նռնակ դառնայիր,
 Աշխարհի ցավը պատրաստ են ուսել,
 Մե՛նակ, իմ լավեր, հաղթած դառնայիք...

Չոն ԹՈՐՈՍՅԱՆ

Չեն հավատում թուրքի խոսքին,
 Երդուններին անյուր ու եղծ,
 Նա կարող է հալալ ոսկին
 Վաղն անվանի հարամ ու կեղծ...
 Նա չի սիրում գործը շիտակ,
 Արևն անգամ խորթ է նրան,
 Կիսալուսնի ստվերի տակ
 Քանի՞ մաշկ է քաշել վրան...
 Մեկը՝ կարմիր, մեկը՝ ճերմակ,
 Որ իր ներսի սևը փակի,
 Որ արևի շողերի տակ
 Չնկատես դևն իր տակի...
 Չեն հավատում խոսքին թուրքի,
 Աղերսներին խոսարի ու խեղճ,
 Աստված չանի էլնի ոտքի,
 Կհռչոտի քեզ հողի մեջ...

ՊՐԱԿՏԻԿ ԴԱՍ ԷԿԶՈՏԱՐԻՈՒՄՈՒՄ

Հոկտեմբերի 16-ին Կենսաբանության, քիմիայի և աշխարհագրության ֆակուլտետի կենսաբանության բաժնի երկրորդ կուրսի ուսանողները կենսաբանության, քիմիայի և նրանց դասավանդման մեթոդիկայի ամբիոնի վարիչ Սամվել Պիպոյանի գլխավորությամբ այցելեցին «Ջուլանդիա» էկզոտարիում, որտեղ իրականացրին սողունների թեմայով պրակտիկ դաս:

Ուսանողները հնարավորություն ունեցան անմիջական շփում ունենալ կենդանիների հետ, որը նրանց տվեց թե՛ գիտելիքներ, թե՛ տարբեր զգացողություններ: Սամվել Պիպոյանը ներկայացրեց կենդանիների մասին տարբեր մանրամասներ, միաժամանակ պատասխանեց ուսանողներին հուզող հարցերին:




«էկզոտարիում» ՄՊԸ-ի տնօրեն Կարեն Մարտիրոսյանն ուսանողներին սովորեցրեց տարբերել թունավոր և ոչ թունավոր օձերին և նրանց խայթելուց հետո առաջին օգնություն ցուցաբերելու կանոններին՝ հիշեցնելով, որ օձերը երբեք մախսահարձակ չեն լինում, և նրանցից պաշտպանվելու լավագույն միջոցը հնարավորինս հեռու մնալն է:

«Ջուլանդիա» էկզոտարիումը հիմնել է Կարեն Մարտիրոսյանը, ով մեզ հետ զրուցելիս նշեց, որ կենդանիների հանդեպ սերն իր մոտ առաջացել է դեռևս մանկուց ու դեռ փոքր տարիքում ուներ սողունների հավաքածու: Տարիների հետ իր հավաքածուն ընդլայնվել է, և տանը հաճախ այցելուներ են եկել կենդանիներին տեսնելու նպատակով: Ահա ինչու նա նմանատիպ կազմակերպություն հիմնելու որոշում է կայացրել և որոշակի ժամանակ անց այդ ամենն իրականություն է դարձրել:



Այժմ «Ջուլանդիա» էկզոտարիումը ոչ միայն փոքրերի, այլև մեծերի սիրելի վայրերից մեկն է, որտեղ տիրում է ջերմ ու բարի մթնոլորտ, իսկ ապակիներից այն կողմ կատարվում է հսկայական աշխատանք:

Մենք էլ սիրեցինք այդ վայրը և հեռացանք՝ կրկին վերադառնալու ակնկալիքով:



Այս օրերին աշխարհասփյուռ հայերը բողոքի ցույցեր ու երթեր են կազմակերպում աշխարհի տարբեր երկրներում: Նրանց են միանում երեխաները, որոնք հավատարիմ են իրենց հայ արմատներին: Նկարի և տեքստի հեղինակները ԱՄՆ-ում բնակվող գրող, արմատներով արցախցի Մարգարետ Դերանցի թոռներն են: Երեխաները թեև ծնվել են Միացյալ Նահանգներում, բայց հայաշունչ դաստիարակություն են ստանում:



Հալեպի Մխիթարյան վարժարանի սաների առօրյան անցում է հայաշունչ միջոցառումների կազմակերպմամբ:



Արցախցի երեխաները ապաստարանում անգամ սովորում են:

Գրանցման վկայական՝ 01Մ00184 տրված է 26.03.2008 թ. Հասցեն՝ Տիգրան Մեծի 17, հեռ. 59-70-97: Էլ. փոստ՝ Newspaperaspu.am, asryansilva@gmail.com Տպագրված է «Տիգրան Մեծ» հրատարակչության տպագրատանը: Հասցեն՝ Արշակունյաց 2 Տպաքանակը՝ 1800 օրինակ: Ծավալը՝ 2 տպ. մամուլ

Թերթի նյութերի արտատպումներն առանց խմբագրության համաձայնության արգելվում է: Հղումը պարտադիր է: Թերթը տարածվում է անվճար: Հանձնված է տպագրության 21.10.2020 թ. Թերթը կարող եք կարդալ ՀՊՄՀ կայքում՝ www.aspu.am

Գլխավոր խմբագիր՝ Սիլվա ԱՄՐՅԱՆ Բանասիրական գիտությունների թեկնածու Էջարիումը՝ Պետրոս ՎԱՐԴԱՆՅԱՆԻ Համարի պատասխանատու՝ Սիլվա ԱՄՐՅԱՆ